

起立除誦經時作務時病時○侍師師命坐方坐師有問當起儒禮云君子問更端則起而對

坐卧威儀

看閱經典不得箕踞當焚香正襟危坐○不得當聖像坐○坐功依師傅受接時靜坐不得失次○對師長不得坐功○對賓客不得坐功○夜中宜多坐少卧○不得同婦人坐○不得與女冠同坐○如女冠來問道開示畢卽遣歸不得久留坐○靜坐約一時或經行或卧○與人並坐不得橫肱坐○不得堅膝坐交臂膝上○卧宜側禮屈足醒則舒不得偃仰卧○不得與師同房卧或同房不得同榻卧○師未卧不

道藏輯要

初真戒

至

張集七

人。川

得先卧○已卧不得言語○不得脫小衣卧○不得於非處卧○临卧携火入房須與同房者知云火入欲熄火亦與知云更用燈否○大暑不得伏地卧○不得露卧○不得晝卧○不得飽食便卧○不得置火枕邊○不得携穢器從法堂前過○晨起先左足下牀

临卧時咒曰 太真玉女侍真衛魂三宮金童來守生門

卧醒時咒曰 當願衆生以迷入覺一旦豁然

下牀時咒曰 化惡反善上書三光使我長生乘景駕雲

作務威儀

凡作務不得辭勞苦○平日當愛惜常住物不得狼籍米穀